















Vici bedi Jesus.

CRISTAU- DOTRIÑA



LEÑETAN ERACUS
en baitire gure Fede San-
duco gauzaric bear-
rénac.

AITA ASTETEC ER-
deraz, eta orai

AFARROAGO EUSCA-
in izarrae adirezten duena
erantsiric, ateratcen du

*Fr. PEDRO ANTONIO
Mibarro, Zarauzco Cole-
gioco Misionista, Aita S.
Franciscoren Ordeacoac.*

BEAR BEZALA.

*Irutlean : Josef Rada-rén
Echean.*

Utzi ezazu becatarie
Lén baño lén becatue
Aparta zaite ocasiotie
Ceñetan zauden sartue
Guerta diteque gaur arra
seen
Zure goatcean iltcee,
Bai eta ere , biar baño l
Infernuetan sartcee.
Uteci ditzagun vicio aiec,
Ceñec gauzqueten gald
ric,
Eta escatu barcacioa
Jaungoicoari bertatic.
Liburu onetan erraten den
Siñestatu , ta eguizu,
Goza dezazun beti Loria
An zaitecen descansatu

VICI BEDI JESUS.

Gurutce ✠ Sanduaren
 Señalea gatic
 gure ✠ etsaietatic
 libra gaitzatzu
 gure Jauna ✠, ta Jangoicoa.
 Aitaren, ta Semearen, ✠
 ta Espiritu Sanduaren
 icenean. Amen.

AITA GUREA.

Aita gurea Ceruétan zau-
 dena, santifica bedi zure
 Ikena; betor gugana zure Er-
 reinua; eguin bedi zure vo-
 rondatea Ceruan bezala, lur-
 rean ere. Egun eman di-
 zaguzu gueren egunoroco
 oguia; eta barca dizquigut-
 zu gure zorrac, guc gue-
 ren zordunei barcatzen diz-
 quiegun bezala: Eta ez
 gaitzatzula utci tentacioan
 erortcen: baicic libra gait-
 zatzu gaitcetic. Amen.

4

AVE MARIA.

Jangoicoac salva zaizal
 Maria graziaz betea, Jaun
 da zurequi, bedeicatua cer
 Zu andre gucien artean; et
 bedeicatua da Zure sabelco
 frutua Jesus. Santa Maria
 Jangoicoaren Ama otoit
 eguizu gu becatarien gati
 orai, ta gure eriotzaco or
 duan. Amen Jesus.

CREDO A.

Sinistateen dut gucia de
 zaquean Aita Jangoico, Ce
 ruaren, ta lurraren, Creat
 zallea baitan; eta areen Se
 me bacar Jesu-Cristo gu
 re Jauna baitan, cein sortu
 cen Espiritu Sandaaren egu
 tez, ta graziaz; jaio cen
 Maria Virgiña ganic. Pade
 citu zuen Poncio Pilatos
 en manuaaren azpian. Gu
 rutcean josia, illa ta ortzia
 izan cen. Jautsi cen Infer-

5
 nuétara. Biztu cen irugarren
 egunean illén artetic. Igan
 cen Ceruétara ; an dago jar-
 riric Aita Jangoico gucia de-
 zaquearen escuñeco aldean.
 Andic etorrico da viciee, ta
 illéc juzgatcera. Sinistatcen
 dut Espiritu Sandua baitan.
 Eliza Ama Sandu Catoli-
 coa. Sanduén Comunioa.
 Becatuén barcamendue. Ara-
 guiaren piztcea. Eta vicitce
 beticoa. Amen.

SALVEA.

Jangoicoac salva zaizala
 Erreguiña: Urricaritasunaren
 Ama : gure vicitce , eztita-
 sune , ta esperanza. Jangoi-
 coac salva zaizala. Zure de-
 iez gaudé Evaren ume des-
 terratuac ; zuregana gaude
 suspirioz , adiez , ta nigar-
 rez erri nigarrezco onetan.
 Ea bada arren , Bitarteco
 gurea , itzuli itzatzu gure
 dana zure begui urricarizco

6

oriec. Eta desterru onen on-
doan eracutsizaguzu Jesus,
zure sabeleco frutu bedei-
catua. O biotz beraa! O ur-
ricaritsua! O Maria Virgi-
ña ezitia! Jangoicoaren Ama
Santa otoitz eguizu gu ga-
tic, Jesu Cristoren esque-
ñiac erdiesteco diña izan
gaitecen. Amen Jesus.

JANGOICOAREN LE- gueco Mandamentuac.

*Jangoicoaren Legueco Man-
damentuac dire amar. Lem-
bico irurac Jangoicoaren
onrari dagozquionac; ta
bertce zazpiac lagun
progimoaren onari.*

L*Embicoa*, Jangoicoa
gauza gucien gañean onét-
sitcea.

Bigarrena, aren icen san-
duaz juramentu alferric
ez eguitea.

Irugarrena, Igandeac, ta

bertce Jaiac guardatcea,
edo sandutcea.

Laugarrena, Gurasoac on-
ratcea.

Bortzgarrena, nior ez ilt-
cea.

Seigarrena, aragvizco beca-
turic ez eguitea.


Zazpigarrena, ez ebastea.

Zorzigarrena, eguin eztuen
gauzaric niori ez alchat-
cea; ez guezurric erratea.

Bederatcigarrena, lagunaren
Emazteric, ez Senarric ez
deseatcea.

Amargarrena, lagunaren
ondasun bide gabecoric ez
cuticiatcea, edo deseatcea.

Amar mandamentu oiec bi-
tan sartcen dire, Jangoi-
coa serbitzatcen, eta mai-
tatcean gauza gucien ga-
ñean; ta progimo laguna
cere burua bezala.



FEDECO ARTICU-
luac, edo Sinesmenac.

*Fedearen Articulua dire
amalaur : lembicico zazpiac
Jangoicotasunari dagozquio-
nac ; ta bertee zazpiac Je-
su Cristo gure Jaun, Jan-
goico ta Guizon egui-az-
coaren Guizatasun
Sanduari.*

*Jangoicotasunari dagozquio-
nac dire oiec.*

I*Embicicoa , sinistatcea
Jangoico bat bacar gucia
dezaquenaren baitan.*

*Bigarrena, sinistatcea, dela
Aita.*

*Irugarrena, sinistatcea dela
Semea.*

*Laugarrena, sinistatcea dela
Espíritu Sandua.*

*Bortzgarrena , sinistatcea
dela gauza gucien Egui-
llea.*

Seigarrena, sinistatcea de⁹
la Salvatzallea.

Zazpigarrena, sinistatcea
dela Gloria emallea.

Guizontasun Sanduari da-
gozquionac dire oiet.

L*Embicicoa*, sinistatcea
Jesu-Cristo gure Jauna,
guizona danez, sortua
izan cela Espíritu Sandua-
ren eguitez, ta graciaz.

Bigarrena, sinistatcea jaio
cela Maria Virgíña ganic;
guelditcen celaric du Don-
cella, erdi baño len, er-
ditcean, ta erdiz gueroz.

Irugarrena, sinistatcea, eriot-
za, ta neque andiac artu
cituela, gu becatoreac sal-
vateea gatic.

Laugarrena, sinistatcea in-
fernuetara jautsi cela, eta
bere etorrera sanduaren
beguira ceuden Sanduen
Arimac atera citúela.

Bortzgarrena, sinistatcea,

10

irugarren egunean illeen
artetic biztu cela.

Seigarrena, sinistatcea, igan
cela Ceruetara, ta an da-
goala jarriric Aita Jangoi-
co gucia dezaquean escu-
ñeco aldean.

Zazpigarrena, sinistatcea,
etorrico dela, viciac, ta
illac juzgatcera; onai ema-
teco betico gloria, ceren
bere Mandamentu sanduac
guardatu cituzten; eta gais-
toei betico infernua, ceren
guardatu etcituzten.

DOTRINA ERACUS-
ten da Galdetuz, ta Er-
respondatuz.

G*aldetcen dut : Cristioa*
cera?

Errespondatcen dut : Bai
Jangoicoaren graciaz.

G. Cristioaren icen ori no-
reganic duzu?

E. Jesu-Cristo gure Jau-

na ganic.

G. Cer erran nai du Cristioac ?

E. Cristoren Guizona.

G. Cristoren Guizonaz cer aditcen duzu ?

E. Jesu-Christoren fedea, edo sinistatcea duena cein Bataioan artu baitzuen; eta bera serbitzatcera esqueñeric dagoena.

G. Cristioaren señalea ceinda?

E. Gurutce Sandua.

G. Cergatic?

E. Ceren Cristo Gurutcean josiaren iduria den, ceñetan erosi baiguinducen.

G. Cembat guisatara señale ori Cristioac eguiten du?

E. Bitara.

G. Cein dire?

E. Ceñatcea, ta santiguatzea.

G. Cer da ceñatcea ?

E. Escuñeco beatz lodiaz irur Gurutce eguitea.

Lembicicoa copetan : *Bigarrena* agoan : *Irugarrena* bularrean , gure Jan-

goicoarequi mintzatcen
garelatic.

G. Ea nola?

E. Gurutce sanduaren seña-
lea gatic gure etsaietatic
libra gaitzatzu gure Jau-
na, ta Jangoicoa.

G. Cergatic ceñatcen cera
copetan?

E. Jangoicoac pensamentu
gaistoetatic libra gaitzan.

G. Cergatic agoan?

E. Itz gaistoetatic Jangoi-
coac libra gaitzan.

G. Cergatic bularrean?

E. Eguite, ta desciu gais-
toetatic Jangoicoac libra
gaitzan.

G. Cer da santiguatcea, edo
Aitaren eguitea?

E. Escuñeco bi beatzaqui
Gurutce bat eguitea co-
petatic bularrera, ta ez-
querreco soinetic escuñe-
cora Trinitate guciz San-
duari gagozquiola, edo
mintzacen garela.

G. Eracutsi nola?

E. Aitaren, ta Semearen,
ta Espiritu Sanduaren Ico-
nean : Amen.

G. Gurutce ori noiz eguiz
bear duzu?

E. Lanen bat asitcen dugun
gucian, premia, tentacio,
edo perillean icusten gue-
ranean : Batez-ere oatece-
tic jaikitcean, echeric
ateratcean, Elizan sart-
cean, jatorduan, ta oate-
ceracoan.

G. Cergatic aimbertectan?

E. Ceren beti, ta lecu gu-
cietan gure etsaiee tentat-
cen, ta perseguitcen bai-
gaituzte.

G. Cer etsai dire oriee?

E. Demonioa, Mundua, ta
Araguia.

G. Beraz oien contra Gurut-
ceac indarra du?

E. Bai Jauna.

G. Virtute ori Gurutceac
nondic du?

E. Ceren Jesu-Christoe be-
re eriotzaz artan garaitu

14

cituen.

G. Gurutcea adoratcean nola erraten duzu?

E. Adoratcen, ta bedeciatcen' zaitugu, Cristo, ceren zure Gurutce Sanduarequi erredimitu, ta libratu baitcenduan mundua.

CRISTIO-DOTRINA

ren divisioa, edo bereciera.

I*Cusi dugu Cristioa errala, ala icenean, nola sinalean: erran zadazk orai:*

G. Cristioa adimentura, edo ezaguerara datorrenean cembat gauza jaquiter dago bearturic?

E. Laur gauza.

G. Cein dire?

E. 1. Cer sinistatu: 2. cer escatu: 3. cer egui: 4. ta cer artu bear duan, jaquitea.

G. Nola jaquinen du, cer

15

sinistu bear duan?

E. Credo , edo Articulo fedecoac jaquiñaz.

G. Nola jaquinen du, cer escatu bear duan?

E. Aita gurea, ta Elizaren bertee Oracioac jaquiñaz.

G. Nola jaquinen du, cer eguin bear duan?

E. Jangoicoaren Legueco amar Mandamentuac, Eliza Ama Sanduaren bortzac, ta Misericordiazco Obrac jaquiñaz.

G. Nola jaquinen du cer artu bear duan?

E. Eliza Ama Sanduaren zazpi Sacramentuac jaquiñaz.

DOCTRINAREN
lembiciso Zatia, ceñetan Credo,
edo Fedeco Articuloac
azaltcen, ta adiraz-
ten baitire.

G. Errazu: Credo nore

A4

36

erran zuen?

E. Apostoluac.

G. Certaco?

E. Fedearen gáuzac guri
adierazteco.

G. Eta: zue certaco erra-
ten duzu?

E. Cristioac dugun fede,
edo sinistatce au berau
aitortceco.

G. Cer da fedea?

E. Icusi eztuguna sinistatcea.

G. Jesu-Christo jaiotcen icu-
si cenduen?

E. Ez, Jaune.

G. Ilcen, edo Ceruetarat
igaten icusi cennuen?

E. Ez, Jaune.

G. Sinistatcen duzu?

E. Bai, Jaune, sinisten dut.

G. Cergatic sinistatcen duzu?

E. Ceren gure Jangoicoac
ala aguertu baitio Eliza
Ama Sanduari, eta onec
ala eracusten baitigu.

G. Cristioac bezala dauzeat-
zun, ta sinistatcen ditu-
zun gáuzac ceñ dire?

E. Erromaco Eliza Ama
Sanduac dauzcanac, ta
sinistatcen dituenac.

G. Arc, eta zuc sinistatcen
dituzuenac cer gauza dire?

E. Fedeco Articuluaç, batez
ere Credoan clauden be-
zala.

G. Fedeco Articuluaç cer
dire?

E. Aren Misterio, edo si-
nigairic andienac, ta mi-
ragarrienac.

G. Fedearen Articuluaç cer-
taco dire?

E. Gure Jangoicoaren, ta
Jesu-Cristo gure Erre-
dentorearen berri beressi,
edo iracorra emateco.

G. Cer, edo cein da gure
Jangoicoa?

E. Da erran, ta gogora al
ditequeen gauzaric goie-
nen, edo andien, ta mi-
ragarriena, Jaun bat ecin
guelagoan óna, gucia de-
zaquena, jaquintsua, zu-
cena, gauza gucien asie-

18

ra, ta azquena.

G. Trinitate edo Irutasun
guciz Sandua cer da?

E. Da Jangoicoa bera, Aita,
Semea, ta Espiritu
Sandua: irur Persona dis-
tinto, edo beressiac; ta
Jangoico eguiazco bacar
bat.

G. Aita Jongoicoa da?

E. Bai, Jaune.

G. Semea Jangoicoa da?

E. Bai, Jaune.

G. Espiritu Sandua Jangoi-
coa da?

E. Bai, Jaune.

G. Irur Jangoico dire?

E. Ez; baicic eguiazco Jan-
goico bacar bat.

G. Aita Semea da?

E. Ez Jaune.

G. Espiritu Sandua Aita,
edo Semea da?

E. Ez, Jaune.

G. Cergatic?

E. Ceren irur Persónac ba-
naac diren, izan arren Jan-
goico eguiazco bacar bat.

G. Jangoicoa nola da gu-
ciz *Poderosoa*?

E. Ceren bere naiarequi ba-
carric nai duen gucia
eguiten duen.

G. Nola da Eguillea, edo
Creatzallea?

E. Ceren ez deustic gauza
guciec eguin baitcituen.

G. Nola da *Salvatzallea*?

E. Ceren becatuac barcatu,
ta gracia ematen duen.

G. Nola da *Glorificatzallea*,
edo Gloria-emallea?

E. Ceren beraren gracion di-
rauenari gloria ematen
dion.

G. Jangoicoac, gu bezala,
gorputzaren iduriric ba-
du?

E. Jangoicoa danez ez, ce-
ren Espiritu uts garbia
den; baña bai Guizona
den becen batean.

G. Jangoicozco irur Perso-
netaric cein eguia cen
Guizon?

E. Bigarrena, cein baita Se-
mea.

20

G. Aita eguin cen Guizon?

E. Ez, Jaune.

G. Espiritu Sandua eguin cen Guizon?

E. Ez, Jaune.

G. Cein bada?

E. Bacarric Semea, cein Guizon eguin, ta deitzen baita Jesu-Cristo.

G. * Eta non eguin cen Guizon?

E. * Ama Virginiaren Sabel Sanduan.

G. * Eta Guizon eguin ceanean, utci, edo galdu otzuen Jangoico izatea?

E. * Ez, etzuen galdu, ta ecin galdu cezaquean; eta orregatic dembora bereanda Jangoico, ta Guizon eguiatzcoa.

G. * Noren obratz eguin cen Misterio miragarri au?

E. * Ez guizonaren, baicia Espiritu Sanduaren obratz ta graciatz.

G. * Cer eguin zuen Espiritu Sanduac?

E. * Laur gáuza.

G. * Cein dire?

1. *Lembicicoa*, Maria Virginiaren odol chau garbiaz, ta Virgíña beraren Sabelean moldatu zuen Gorputz bat.

2. *Bigarrina*; deus-ecertic eguin zuen Arima bat.

3. *Inugarrena*, Arima au iuntatu, edo unitu baicion Gorputzari, eta orra Guizatasuna.

4. *Laugarrena*, Gorputz, ta Arima au artu cituen bigarren Persona, edo Semeac beregana; ta len barric Jangoicoa cena, guelditu cen Jangoico, ta Guizon eguiatzcoa eguiñic.

G. * Cembat naturaleza, edo izate ditu Jesu-Cristoc?

E. * Bida, Jangoicoarena bata, Guizonarena bertcea.

G. * Cembat adimentu, ta borondate?

E. * Bida, Jangoicoa danez bata, Guizona danez bertcea.

22

G. * Cembat memoria ?

E. * Bat, ta au Guizona den aldetic ; bada Jangoicoa danez gauza guciac dauz-ca aitecinian, ta eztu memoriaren bearric.

G. * Cembat Presuna dire Jesu-Cristo baitan ?

E. * Presuna bat bacarra, ta ori Trinitateco bigarrena, edo Seme Jangoicoa.

G. * Jesu-Cristoc badu Aitaric, edo Amaric ?

E. * Jangoicoa danez badu Aita, ceña dan Aita eternoa; ta eztu Amaric. Guizona danez badu Ama, ceña dan Maria beti Doncella, ta ez du Aitaric.

G. * Non dago Jesu-Cristo ?

E. Jangoicoa den becen baitan lecu gucietan ; baña Guizona danez Ceruan, ta Aldarreco Sacramentuan bacarric.

G. * Orrela beraz nor da Jesu-Cristo ?

E. * Da Jangoico biciaren

Semea , gu erredimitcea
gatic , ta guri vicitceco
moldea eracustea gatic
Guizon eguin cena.

G. Cer erran nai du Jesu-
sen icenac?

E. Salvatzallea.

G. Certatic salvatu guindu-
cen?

E. Gure becatuetaric , ta de-
monioaren mendetic.

G. Cristoc cer erran nai du?

E. Ungitua , edo ganzutua.

G. Certzaz ungitua izan cen?

E. Espiritu Sanduaren gra-
ciaz , ta doaiatz.

G. Jesu-Cristo gure Jauna,
Virgiña cen Ama ganic
Doncellatasuna galdu ba-
gue , nola sortu , ta jaio
cen?

E. Eguiten zuela onetan Jan-
goicoac guerez gañeco mi-
lagro andi bat.

G. Aren Ama guero beti
Virgiña , edo Doncella
garbia guelditu cen?

E. Bai , beti betiro.

24

G. Cergatic Gurutceco eriot-
za artu nai izan zuen?

E. Gu becatutic, ta eriotza-
tic libratcea gatic.

G. Jesu-Cristo ill ondoan
jautsi cen Infernuaz cer-
aditcen duzu?

E. Ez condenatuen toquia,
baicic Arima ónac ceuden
Limboa deritzan lecuá.

G. Nola jautsi cen?

E. Arimaz Jangoicotasuna-
ri juntaturic.

G. Ta aren Gorputza nola
guelditu cen?

E. Jangoicotasunari berari
unituric.

G. Irugarren egunean nola
biztu cen?

E. Aren Gorputz, ta Ari-
ma gloriáz betea berriz
juntatcen cirelaric, bein
ere ez iltceco.

G. Ceruetara nola igan cen?

E. Bere berezco vertutez.

G. Aita Jangoicoaren escu-
ñean jarriric egoteac cer-
erran nai du?

25

E. Jangoicoa denez Aitaé
adimbat gloria izatea, eta
Guizon becebataean niore
ere baino gueiago.

G. Noiz etorrico da viciac,
ta illac juzgatcera?

E. Munduaren azquenean,
edo Juicioco egunean.

G. Eta orduan ill guciac
biztu bear dute?

E. Bai, Jaune, beren gor-
putz, ta arima len cituz-
tenequi.

G. * Cer sinistatcen duzn
erraten duzunean: *Sinis-
ten dut Espiritu Sandua
baitan?*

E. * Sinistatcen dut Trini-
dadeco irugarren Presu-
na deitcen dela Eñpiritu
Sandua, eta dela ain Jan-
goico nola Aita, ta Se-
mea.

G. Cer, edo cein da Eliza?

E. Da Cristio fededun gu-
ciac batera arturic egui-
ten duen gorpurza, ce-
ñeen Burua baita Aita

26

Sandua.

G. Aita Sandua nor da?

E. Da Erromaco Apez Nagusia, Iurrean Cristoren ordecoa, cefi obedirera gucioc obligaturic baicauden.

G. *Sanduen Comunioa* sinistatcen dut, erratean, cer sinisten duzu?

E. Cristio fielac bertceen eguite onetan, arimeco ondasunetan parteletasuna dutela, gorputz baten zatiac izanic, cein baita Eliza.

G. * Cer sinistatcen duzu, erraten duzunean: sinistatcen dut *Becatuén barca-mendua*?

E. * Sinistatcen dut, Elizan badirela erremedioac, gure becatuec barcateeco.

G. * Cer adirazten duzu, errateaz, sinistatcen dut *Araguiaren piztea*?

E. * Sinistatcen dut, azquen juicioco egunean gucioc

piztucó gueralá, ta aguer-
tucó gueralá Jangoicoa-
ren aitecinera, berari con-
tu ertsia emateco.

G.* Cer erran nai du : *Bic-
itza beticoac?*

E.* Onetan sinistatcen du-
gu, bicitza onen ondoan
izanen dela bertce bicit-
za beti iraunen duen bat:
ónac betico Ceruan, ta
gaistóac betico infernuan
egonen diréla.

G. Credoaz, edo Artic-
luaz landara bertceric si-
nistatcen duzu?

E. Bai, Jaune, Escritura
Sanduan dagoen gucia,
ta Jangoicoac bere Elizá-
ri aguertu dion gucia.

G. Cer gáuza dire oriecc :

E. Ori ez niri galde, ce-
ren nic eztaquit. Eliza
Ama Sanduác Masisúac
baditu errespondatcen ja-
quiñen duténac.

Maissua: Ongui diozu, Era-
cusleai dagote, ez zuri,

fedeco gauceetan cheago,
ta luceago contu ematea.
Asqui da zuretzat Arti-
culuen contua, Credoan
dagoan bezala ematea.

*DOTRINAREN BI-
garren Zatia, ceinetan adic-
razten den, escatu bear de-
na, ta Eliza Ama San-
duaren Oracioac.*

Icusì dugu, nola daqui-
zun sinistatu bear dena
lembicico Zatian; bigar-
renera gatocen, ta dacus-
cun nola daquizun esca-
tu bear dena.

G. Errazu : *Aita gurea*
norc erran zuen ?

E. Jesu-Cristoc.

G. Certaco ?

E. Otoitz eguiten guri era-
custeco.

G. Cer da otoitz eguitea?

E. Da Jangoicoa gana biot-
za alchatçça, ta ari me-

sedéac escatcea.

G. *Aita gurea* erratean no-requi mintzo cera?

E. Gure Jaun Jangoicoa-requi.

G. Non dago gure Jangoicoa?

E. Lecu guciétan, batez ere Ceruan, ta Aldareco Sacramentu Sanduan.

G. Oracio gucien artean onena cein da?

E. Pater noster, edo *Aita gurea*.

G. Cergatic?

E. Ceren Jesu-Cristoc bere agoz erran zuen, Apostoluác escaturic.

G. Cergatic gueiago?

E. Ceren zazpi peticio, edo escari caritatetic datocénac baitituen.

G. Cein dire?

E. Lembicicoa, *Santifica bedi zure Icena*.

G. Cer escatcen duzu escari orreta?

E. Jangoicoaren Icena mun-

30

du gucian ezagutua, ta
onratua izan dedilla.

G. Cein da bigarrena?

E. *Betor gugana zure Er-
reinua.*

G. Cer escatcen duzu esca-
bide orretan?

E. Gure Arimétan Jangoi-
coac erreinatu, manatu, ta
aguindu decela graciaz
emen lurrean; ta guero
bere gloria digula.

G. Cein da irugarrena?

E. *Eguin bedi zure boron-
datea Ceruan bezala, lur-
rean ere.*

G. Cer escatcen duzu esca-
ri orretan?

E. Lurrean gaudenoc Jan-
goicoaren borondatea da-
guigula, Ceruan Zorio-
necoac eguiten duten be-
zala.

G. Cein da laugarrena?

E. *Eguin eman dizaguzu
gueren egunoroco oguia.*

G. Cer escatcen duzu esca-
ri orretan?

E. Gorputzari dagocan mantenua Jangoicoac digula; ta Arimentzat gracia, ta Sacramentúac.

G. Cein da bortzgarrena?

E. *Barca dizquigutzu gueren zórrac, guc gueren zordunéi barcatzen dizquiegun bezala.*

G. Cer escatcen duzu escari orretan?

E. Gure becatúac Jangoicoac barca deguizquigula, guc gueren gaizquillei barcatcen dieztegun bezala.

G. Cein da seigarrena?

E. *Ez gaitzatzula utzi tentacioan erortzen.*

G. Cer escatcen duzu escari orretan?

E. Ez caitzala utci Jangoicoac becatuan, eta deabruaren escuetan erortcera, eta aren tentacioetan consentitcera.

G. Cein da zazpigarrena?

E. *Baieic libra gaitzatzu gaitcetie.*

32

G. Cer escatcen duzu escari orretan?

E. Jangoicaoc libra gaitzalla Arimaco; ta Gorputceco gaitz ta pelligru gucieratic.

G. Cergatic asieran erran duzu: *Aita gurea Ceruetan zaudena?*

E. Jangoicoa gana biotza alchatceco, ta umiltasunaz, eta uste beteaz mesedéac berari escatceco.

G. *Amen*, azqueneco itzac cer erran nai du?

E. Ala izan dedilla.

G. Cein dire Ama Virginiari otoitz eguiteco oracioric onenac?

E. *Ave Maria*, ta *Salvea*.

G. Ave Maria norc erran zuen?

E. San Gabriel Aingueruac Ama Virginiari berri ónac ematera etorri zanean.

G. Norc erran zuen *Salvea*?

E. Eliza Ama Sanduac dauca beretua.

G. Certaco?

E. Ama Virgiñari mese-
deac escatceco.

G. *Ave Maria*, edo *Sal-
vea* erraten duzunean mo-
ri mintzateen diozu?

E. Maria Virgiña gure Ama
Andreari.

G. Virgiña Ama Maria nor
da?

E. Da vertutez beterico An-
dre bat, Jangoicoaren
Ama, ta Ceruan dagoana.

G. Eta Aldarean dagoana
nor da?

E. Ceruan dagoanaren iduri
bat, ta aren antza duena.

G. Certaco dago an?

E. Aren bidez Ceruan da-
goenaz oroitu gaitecen, ta
beraren antz-iduria, edo
Imagiña ceren den erreve-
rencia dagoio gun.

Maissua: Bada bertze San-
duen Imagiñei orobat
eguin bear diezu.

G. Aingueruei, ta Sanduei
ere otoitz eguin bear

34

diegu?

E. Bai, Jaune, gure Bitar-tecói bezala.

G. Cer gauza dire Ainguerúec?

E. Aingueruec dire gorputz gabeco Ispiritu uts zorioneco batzuec, Jangoicoa gozatcen Ceruen daudénac.

G. Jangoico gure Jaunac certaco ecerecetic eguincituen?

E. Bera beti alabatceco, ta bedicatceco.

G. Eta certaco guciago?

E. Bere Serbitzariac bezala Eliza gobernatceco, ta persónac goardatceco.

G. Beraz zuc ere baduzu goardatcen zaituen Ainguerue?

E. Bai, badut, ta personabacoitzac du berea.

Maissua: Bada devocio andie izan zaiozu, ta gomenda zaquizquo egunoro.

IRUG ARREN ZATIA
ceñetan adirazten den eguin
bea dena.

Ilusi dugu cer sinistatu,
ta escatu bea den : Da-
cuscun nola daquizun
cer eguin bea den.

G. Errazu : Jangoicoaren
Legueco lembicico Man-
damentua cein da?

E. *Jangoicoa gauec gucién*
gañean onetsi, edo mai-
tetcea.

G. Norc onetsitcen du Jan-
goicoa?

E. Aren Mandamentuec
guardatcen dituenac.

G. Cer da gauec gucién
gañean onetsitcea?

E. Gauec guciéc galtcea
naiago izatea , bea ofen-
ditu baño.

C. Certara gueiago Man-
damentu onec beartcen
gaitu ?

36

E. Bera bacarric Gorputz
ta Arimeco eguin álaz
adoratcera, sinistatcen, ta
esperatcen dugularic aren
baitan fede bici batequi.

G. Norc onetan uts egui-
ten du?

E. Escuz eguñicaco Idolo,
edo Jainco guezurrezcoac
adoratcen dituenac, edo
orietan sinistatcen duenac.

G. Norc gueiago?

E. Sorquinqueria, aztia,
etorquizun amesezcoai, eta
onelaco bide gabeco si-
nistea ematen dienac, eta
echiceriaz baliatcen bai-
tirenac.

G. Cein da bigarren Man-
damentua?

E. *Aren Icen Sanduaz ju-
ramentu alferrie ez egui-
tea.*

G. Norc juramentu alferrie
eguiten dute?

E. Eguia gabe, justicia ga-
be, edo justu ta cillegui
eztan gauzaren gañean,

eta premia gabe eguiten
dutenac.

G. Eta deusi ez dagoquio-
la, edo alferric criaturac
gatic juramendu eguitea,
becatu da?

E. Bai, Jaune, ceren aietan
Jangoico berén Eguillea-
ri eguiten baitzaio.

G. Juramenduric alferric ez
eguiteco cer bide da?

E. Oitutcea erratera bai, edo
ez, Cristoc eracusten di-
gun bezala.

G. Cein da irurgarrena?

E. *Igande, ta bertce Jai-
egunac guardatcea.*

G. Igande, ta bertce Jaiac
norc guardatcen ditu?

E. Meza osoa enzun, lan-
bearric premia gabe egui-
ten eztuenac, ta Jaia Jan-
goicoaren gauceetan eina-
ten duenac.

G. Cein da laugarrena?

E. *Gurasóac onratzea.*

G. Norc onratcen ditu Gu-
rasóac?

38

E. Obeditcen, maitetcen, laguntcen, ta errespetatcen, dituztenac.

G. Norc bertceric Gurasoen icenez aditcen dire?

E. Adinean, onran, ta gobernuan, Nagusiagóac direnac.

G. Cein da bortzgarrena?

E. *Ez nior iltzea.*

G. Mandamentu onetan cer manatcen da?

E. Niori gaitzic ez eguitea, ez eguitez, ez mintzaz, ez eta gogoz ere.

G. Cein da seigarrena?

E. *Araguizeo becatu-ric, edo desonezqueriacoric ez eguitea.*

G. Cer manatcen zaigu onetan?

E. Garbiac, ta castoac izan gaitecela gogo, mintzura, eguite, ta naicundeetan.

G. Cein da zazpigarrena?

E. *Ez ebastea.*

G. Cer manatcen zaigu or-

retan?

E. Ez quendu, ez iduqui, ez estali, ez nai izatea bertceren gauza, Jabearen borondatearen contra.

G. Cein da zortcigarrena?

E. *Niori eguin extuen gauzaris ez alchatcea: eta guezurric ez erratea.*

G. Cer manatcen zaigu onetan?

E. Lagun-progimoaz arinta erraz gaizqui ez juzgatcea; ta aren uts eguiteac ez erratea, ez gogoz enzutea.

G. Mandamentu au norc ausitcen du?

E. Arrazoi gabe juzgu charra eguiten duenac, gaizqui erraca dabilcenac, nioren gauza estalia aguer-tu, eta guezurra erraten dutenac.

G. Bederatcigarren, eta Amargarren Mandamentuan cer debecatcen da?

40

E. Araguizco atseguinén
ta nioren ondasunén cu-
ticia, ta nai bide gabéac
M. Erraitzu Eliza Ama
Sanduco Mandamentuac

ELIZA AMA SAN-
duaren Mandamentuec
dire bortz.

L*Embicicoa*, Igande, ta
Jaieran Meza osoa en-
zutea.

Bigarren, Urtean beia
bedere confesatcea, edo
lenago eriotzaco pelligru-
ric uste bada, edo co-
mecatu bear bada.

Irugarrena, Pazcoa Gar-
zumacoan comecatcea.

Laugarrena, Eliza Ama
Sanduac manatcen due-
nean barautcea.

Bortzgarrena, Amarrenac
ta Primiciac zucén pa-
gatcea.

G. Elizaco Mandamentuec

certaco dire?

E. Jangoicoaren Leguecóac
obequi guardatceco.

M. Erraizu Misericordiaz-
co Obrae.

MISERICORDIAZCO

*Obrac dire amalaur : Zaz-
pi Espirituari, ta zaz-
pi Gorputzari da-
gozquionac.*

*Espiritu, edo Arimari da-
gozquionac dire oiec.*

L Embicicoa, ez daquie-
nari eracustea.

Bigarrena, bear duenari
conseju ematea.

Irugarrena, uts eguiten
duenari zulentceco bi-
dea ematea.

Laugarrena, bidebagueac,
edo gaitz eguiñac bar-
catcea.

Bortzgarrena, trisiéac con-
solatcea.

42

Seigarrena , Lagun-progi-
moaren atsecabéac , ta ar-
galtasúnac pacienciaz era-
matea.

Zazpigarrena , Biciac , ta
Illac gatic Jangoicoari
otoitz eguitea.

Gorputzari dagozquionac
dire ebec.

L*Enengoa* , eriac bisi-
tatcea , edo icustea.

Bigarrena , gose danari ja-
tera ematea.

Irugarrena , egarri denari
edatera ematea.

Laugarrena , catibúac er-
rescatatcea , edo ascatu
eraguitea.

Bortzgarrena , billusia jan-
citcea.

Seigarrena , bidezco , edo
erromesai ostatu ematea.

Zazpigarrena , illac ort-
citcea.

Cergatic derizte Obra mi-
sericordiazcóac , edo ur-

ricarizcóac ?

E. Ceren juzticiaz beti zor
ezpaitiran.

G. Noiz becatuaren azpian
zor izanen dire?

E. Guizon zur jaquintsuen
ustean premia, beartasu-
na, ta estura andie de-
néan.

LAUGARREN ZATIA.

*Ceñetan adierazoten baiti-
ren artu bear diren Sa-
cramentúac.*

ICusi dugu, nola daqui-
zun cer sinistatu, cer es-
catu, eta cer eguin bear
duzun. Dacuscun orai
nola daquizun cer artu
bear duzun.

G. Erraitzu Sacramentúac.

E. Eliza Ama Sanduco Sa-
cramentúac dire zazpi.
Lembicico bortzac dire
nai ta naiezcóac, edo

44

bear bearrac izatez, edo
borondatez; ceintzuc ba-
gue salbatu ecin liteque,
uzten baitire naguitasu-
nez, edo zabarqueriez.
Bertce bidac dire boron-
datezcóac.

Lembicicoa, Bataioa.

Bigarrena, Confirmacioa.

Irugarrena, Penitencia, edo
Confesioa.

Laugarrena, Comecadura.

Bortgarrena, Oleadura.

Seigarrena, Ordena.

Zazpigarrena, Ezcontza.

G. Cer gauza dire Sacra-
mentúac?

E. Jesu Cristoc bere Eliza-
ri utzi ciozcan señale
aguri diren batzuec,
óien bitartez graciác, ta
vertutéac guri emateco.

G. Cer gauza da gracia?

E. Da Jangoicozco Izate
bat, Guizona Jangoicoa-
ren Seme, ta Cerruaren
Jabe-gai eguiten duena.

G. Cer vertute graciarequi

batean ematen dituzte Sa-
cramentuac?

E. Irur enzunenac bertze
gucien artean, eta dire
Vertute Teologalac, edo
Jangoicoa gana zucen be-
guiraten duenac.

G. Cein dire oieç?

E. Fedea, Esperanza, ta
Caritatea.

G. Cer da Fedea?

E. Eztacuscuna sinistatcea,
Jangoicoac ala aguertu
duelaco.

G. Cer da Esperanza?

E. Esperatcea Gloria Jan-
goicoaren laguntasune, ta
gueren ongui eguiñac bi-
tarte diréla.

G. Cer da Caritatea?

E. Onetsitcea Jangoicoa
gauza guciez gañean, ta
guere lagun, edo progi-
moa gueren buruac be-
zala, eguiten diegula,
ebec guri eguitea, nai
guenduquena.

G. Bataioç Sacramentua